

ORUE EGOITZA

1

Euba aldean dogu
pozezko eguna,
eskerronezko kantuz
ospatzen doguna.
Martxan jarrita dago
Egoitza txukuna,
leku onean iagok
gure etorkizuna!

2

Geure neurrira jarri
ditugu baztarrak,
eta eragin deusku
geu bizi beharrak.
Alperrik da hileta,
alperrik negarrak;
gazterik ez badator
onak dira zaharrak.

3

Han-hemen entzuten zan:
“Euba sobra dago,
bera emon dau ta
laster da akabo”
Hau entzunda gogotsu
jo dogu hordago;
esanak esan, orain
bizi gara bapo.

4

Ormak tente itzita
barrua barriztu,
hiltzear egoana
hobea berbiztu...
Izan da zeresana,
burla eta txistu;
sinisgogorak ere
ikusiz sinistu.

5

Etxeak egin deusku
onetik hobera,
honen aurrean hauxe
datorkit kolpera:
“Etxea hobetu ta
lehengoan norbera?
Bizia barriztuten
jo daigun topera!”

6

Badoguz amets eta
asmo eder nahiko,
danok gara lankide,
ez bakarrik mahaiko.
Alkarlana nahi dogu
praile eta laiko,
danau egi bihurtzen
lagundu, Zeuk Jainko!

7

Egoitza barri honek
ORUE izena,
lehengo baserriak lez,
hau lege zuzena.
Ustez zerua dala
tokirik onena;
eta dudarik gabe
ORUE hurrena.

9

Bertso barri kantuan
pozik alkarrekin,
esanak esan arren
danak esan ezin.
Gizon bat izan dogu
harotz eta hargin:
Ondo merezi dau ta
GORA AITA FERMIN!

8

ORUE jarri nahian
danetan nagusi,
lotsati danarentzat
beti da itsusi.
Ekin ta jardun arren
ezin erakutsi;
nahi badozu, etorri
eta zeuk ikusi.

10

Hiru zatitan dago
gure Alkartea,
batasun baten bizi
dan senitartea.
Zatoz, Jauna, zabalik
daukazu atea,
orain ta beti zaindu
ORUE maitea!

A.Mafrtzel